



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1520312

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

4 սեպտեմբերի 2023թ.

Բ. Երևան
(կազմման վայրը)

Ակտի հասցեագրեր

Ֆիզիկական անձ Նարեկ Մանուկի Մկրտչյան

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

ՀՀ, Երևան, Նորք-Մարաշ, Լ. Ջաքարյան փող., տուն 82Ա
Անձ. AR0676928, ՀՇՀ՝ 3209910316,

(անհատ ձեռնարկատիրոջ հաշվառման հասցեն կամ իրավաբանական անձի գրանցված վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 14.06.2023թ. թիվ 1520312 որոշման հիման վրա ֆիզիկական անձ Նարեկ Մանուկի Մկրտչյանի նկատմամբ իրականացված օպերատիվ հետախուզական միջոցառումների արդյունքում պարզվել է, որ Ֆ/Ա Նարեկ Մկրտչյանը 2023-ի մարտ ամսից ինստագրամ սոցիալական ցանցում «dimahardarman_paraganer2» կայք էջի միջոցով իրականացրել է դիմահարդարման պարագաների վաճառք: ՕՀՄ-ի շրջանակներում ՀՀ ՊԵԿ ՀՕՀ վարչության աշխատակցի կողմից գնման նպատակով կապ է հաստատվել «dimahardarman_paraganer2» ինստագրամյան էջի օգտատեր Ֆ/Ա Նարեկ Մկրտչյանի հետ և պատվիրվել է (Bdellium Ohase) ապրանքանիշի դիմահարդարման պարագաներ ընդհանուր 55.000 ՀՀ դրամ արժեքով: Ըստ պայմանավորվածության, ՀՀ, քաղաք Երևան, Դեղատան 3 հասցե պատվիրված ապրանքը 11.08.2023թ-ին ժամը 15:00-ին առաքել է Ֆ/Ա Նարեկ Մկրտչյանը, որի դիմաց ՀՕՀՎ աշխատակցի կողմից վճարվել է կանխիկ 55.000 ՀՀ դրամ, Ֆ/Ա Նարեկ Մկրտչյանի կողմից գնված ապրանքի վերաբերյալ վճարման փաստը հաստատող հաշվարկային փաստաթուղթ չի տրամադրվել:

Իրականացված ՕՀՄ-ի շրջանակներում Ֆ/Ա Նարեկ Մկրտչյանը 11.08.2023թ-ի գրավոր հայտարարությամբ հաստատել է վերոգրյալը և հայտնել է, որ «dimahardarman_paraganer2» ինստագրամյան էջում նշված գործունեությամբ զբաղվում է 6 ամիս և իրականացրել է ապրանքների վաճառք առանց պետական գրանցման և հարկային մարմնում հաշվառման, որի ընթացքում ունեցել է ընդհանուր 360.000 ՀՀ դրամ ձեռնարկատիրական եկամուտը:

Թիվ 1520312 արձանագրությամբ 11.08.2023թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել է 22.08.2023թ. նշանակված վարչական վարույթի լուծմանը: Գործում առկա չեն լրացուցիչ ապացույցներ, չեն ներկայացվել միջնորդություններ:

Վերոշարադրյալ արարքն առաջացնում է պատասխանատվություն՝ ՀՀ հարկային օրենսգրքի 407-րդ հոդվածի 1-ին մասով ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով, բայց ոչ պակաս 200 հազար դրամից:

Տվյալ դեպքում Ֆ/Ա Նարեկ Մկրտչյանի կողմից խախտումը վերջին 1 տարվա ընթացքում կատարվել է առաջին անգամ: Գործունեության ընթացքում ստացած ձեռնարկատիրական եկամուտը կազմում է 360.000 ՀՀ դրամ, որի 50%-ը կազմում է 180.000 ՀՀ դրամ, ուստի օրենսդրական պահանջից ելնելով Ֆ/Ա Նարեկ Մկրտչյանի նկատմամբ կիրառելի է 200.000 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

1. Հաշվարկել և Ֆ/Ա Նարեկ Մկրտչյանին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (ՀՀ դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածով սահմանված տուգանք	200.000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երկու օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

Ֆ/Ա Նարեկ Մկրտչյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հաղուկ առաքման դեպքում)



ստորագրությունը

ընդամենը 3 էջ

2023թ.

(նշում ակտը ստորագրելուց և (կամ) ստանալուց հրաժարվելու մասին)

ԾԱՆՈԹՈՒԹՅՈՒՆ. Սույն վարչական ակտով առաջադրված հարկային պարտավորությունները վճարելու համար անհրաժեշտ է ստանալ հարկ վճարողի հաշվառման համար (ՀՎՀՀ):